



# LSM – Infobroschür

---

2021 – 2022



Driven by an entrepreneurial spirit and a passion for excellence, we reward boldness, value curiosity and see the opportunities in challenges.

Never content to stand still, we are on a journey that aims to push the boundaries of possibility in our industry.

Be part of this journey and do your internship with us.

Send your CV and cover letter:  
luxembourgInternship@arcelormittal.com



MAKE YOUR WORLD



Rejoignez-nous !

Vous avez envie de découvrir l'activité et les métiers d'Encevo ?



Le Groupe Encevo est le plus grand acteur énergétique au Luxembourg, actif également en Allemagne, en France, en Belgique et aux Pays-Bas. Encevo est présent tout au long de la chaîne de valeur de l'énergie : Production, stockage, approvisionnement, transport, trading, distribution et services. Le groupe repose sur trois piliers représentés essentiellement par trois entités distinctes et leurs filiales respectives : la fourniture d'énergie et la génération d'énergies renouvelables à travers Enovos, l'opération de réseaux à travers Creos et les services autour de l'énergie (production décentralisée, efficacité énergétique, écomobilité, ...) à travers Enovos Services.

Intéressé(e)?

N'hésitez pas à nous faire parvenir votre dossier de candidature par le biais de notre site des opportunités de carrière accessible via <http://jobs.encevo.eu>.

C'est également dans une perspective d'avenir que nous sommes toujours à la recherche de jeunes talents et nous proposons des stages dans différents domaines tel que l'économie, la finance, la gestion d'entreprise, le marketing, l'ingénierie, l'informatique, RH, Droit,... et bien d'autres encore.

Nous cherchons des candidats engagés, motivés et flexibles, afin de leur donner la possibilité d'acquérir une expérience professionnelle unique et de contribuer de manière proactive à la richesse de l'entreprise.



# Inhaltsverzeichnis

|                                                            |    |
|------------------------------------------------------------|----|
| Virwuert vum President .....                               | 5  |
| München eng Weltstad mat Häerz .....                       | 7  |
| Wat muss ee gesinn hunn?                                   | 7  |
| München ↔ Lëtzebuerg                                       | 9  |
| Wat gëllt et net ze verpassen?                             | 10 |
| Zum Schluss nach e puer Insidertipps                       | 11 |
| Getting started .....                                      | 13 |
| Hei eng kleng Hëllef fir de Start an de Studium zu München | 13 |
| Unien zu München .....                                     | 19 |
| Iwwersiicht                                                | 19 |
| Zentraler Hochschulsport München                           | 21 |
| Lëtzebuerger Studenten zu München .....                    | 23 |
| Wat ass den LSM?                                           | 23 |
| Den aktuelle Comité 2020-2021                              | 23 |
| LSM Aktivitéiten                                           | 25 |
| Wichtig Adressen .....                                     | 29 |
| Impressum .....                                            | 30 |



PSST... TU ES DÉJÀ AU COURANT ?

Demande dès maintenant  
la nouvelle tranche de  
ton prêt CEDIES via  
S-Net Mobile !

Avec SPUERKEESS, la 1<sup>ère</sup> banque à proposer  
ce service, tu n'as donc plus besoin de te  
déplacer en agence pour ton prêt CEDIES.

C'est tellement  
FACILE et PRATIQUE !

## Virwuert vum President

Léiw Schülerinnen a Schüler,

Geschwënn kennt de Moment an ärem Liewe wou dir wichtigen Decisiounen huele musst déi prägend fir de weidere Verlaf vun ärer Zukunft wäert sinn : Wat soll ech studéieren? Wou soll ech studéieren? Wéi eng Universitéit kënnt fir mech a Fro? Iech sti no ärem Ofschloss vum Lycée all d'Dieren op. Dat ass natierlech eng wonnerbar Saach, mee dat mécht är Entscheidung sécher net méi liicht. Oft huet een d'Angscht eng falsch Entscheidung ze huelen, mee ech kann lech versécheren dass et der keng ginn. Egal wéi ee Wee dir aschloe wäert, dir sidd dono ëmmer em Erfarungen a nei Experienze méi räich. Ech kann lech awer och soen dass et scho ganz vill Leit virun lech genau esou gaangen ass. Bei mir ass d'Wiel deemools schliisslech op München gefall an ech kann lech versécheren dass ech dës Entscheidung bis haut net bereien.

Firwat München? München ass eng Groussstad mat Häerz! Déi bayresch Hauptstadt ass eng vu kulturellen an historieschen Evenementer geprägte Groussstad, en Hotspot fir innovativ a technologesch Grousskonzerner a Start-Ups, Standuert vu sëllegen Héichschoulen an Universiteiten, dorënner déi 2 Exzellenzunien LMU an TUM, an eng vun de beléifste Studentestied fir Lëtzebuerger. Wat d'Fräizäit ugeet, huet München ganz vill Méiglechkeeten opzeweisen. Vun Chillen am Englesche Gaart, schwammen an de ville Séien an der bayrescher Ëmgéigend, bis Schifueren an den Alpen ass wierklech fir jiddereen eppes dobäi!

Mam eisem Cercle, dem LSM („Lëtzebuerger Studenten zu München“), huet München ee vun de gréisste Lëtzebuerger Studentecerclen, den iwwert 140 aktiv Memberen aus den ënnerschiddleche Studiegäng rassembleiert. De Cercle bitt de Studenten eng Plattform, wou si nei Leit kennelëiere fir sech auszutauschen um Stammesdch oder op engem vun de sëllege kulturellen a sportlechen Eventer, déi iwwer dat ganz Joer verdeelt vum Comité vum LSM organiséiert ginn.

Den LSM huet et sech awer och als Zil gesat déi aktuell an zukünftig Studente beschtméiglech ze informéieren an hinnen all hir Froen ze beäntweren. Mat dëser Broschür wëlle mir lech München als Studentestad virstellen an eng ganz Partie




wichtig Froe beäntweren. Gläichzäiteg wëlle mir lech awer och den LSM méi no ze bréngen.

Mir bleift elo näischt aneres méi wéi jidderengem vill Erfolleg fir seng Zukunft ze wënschen. Falls dir wieder Froen hutt, zéckt net eis unzeschwätzen, eis op Social-Media unzeschreien oder eis eng Email un comite@lsm.lu ze schécken.

Gianni Di Paoli  
President vum LSM



VOUS GUIDER



DANS TOUTES  
LES ÉTAPES  
DE LA VIE  
DE VOTRE  
ENTREPRISE

Pour toute information ou prise de rendez-vous :

T.: (+352) 42 39 39 330 - [info@houseofentrepreneurship.lu](mailto:info@houseofentrepreneurship.lu) - 14, rue Erasme - L-1468 Luxembourg

Une initiative de



LE GOUVERNEMENT  
DU GRAND-DUCHÉ DE LUXEMBOURG  
Ministère de l'Économie

En partenariat avec

1535°, ADEM, Administration de l'Environnement, Chambre des Métiers, Digital Lëtzebuerg, guichet.lu, ITM, IPIL, LBAN, LBR, Luxinnovation, MC, nyuko, Paul Wurth InCub, SNCI, Technoport, Ministère des Affaires étrangères et européennes, Ministère de la Santé, Ministère de la Digitalisation - CFUE - Betriber & Umwelt - LIST.

Et avec le soutien de nombreux acteurs

SUIVEZ-NOUS : [f](#) [in](#) @LUHOUSEOFENTREPRENEURSHIP @CCLUXEMBOURG

[WWW.HOUSEOFENTREPRENEURSHIP.LU](http://WWW.HOUSEOFENTREPRENEURSHIP.LU) / [WWW.CC.LU](http://WWW.CC.LU)

# München eng Weltstad mat Häerz

München, déi drëtt gréisste Stad an Däitschland direkt virun den Alpen an un der Isar, ass d'Stad vun de Géigesätz. Op der enger Säit kennt ee München als Weltstad, wou sech international renomiert Firmen niddergelooss hunn a sech doheem fillen. Eng Stad wou d'Wirtschaft floréiert a wou een typescht Grousstadliwwen herrscht. München ass donieft d'Heemecht vun zwou Elite-Universitëten, der LMU an der TUM. Si bidden nieft der Héichschoul an allen aneren Universitëten dem Student eng enorm grouss Auswiel u Fächer, déi engem eng optimal Basis fir dat spéidert Berufsliewe mat op de Wee solle ginn.

Op der anerer Säit ass d'Landeshauptstad vu Bayern bekannt fir déi typesch „bayrische Gemütlichkeit“ a fir hir héich Lie-

wensqualität, an dofir ass München zurecht d'Lieblingsstad vun den Däitschen. Top Viraussetzungen also fir een optimale Studium, an deem nieft deem ville Léieren dat typescht Studenteliewen net ze kuerz kënn. Iwwer 100.000 Münchener Studente profitéieren nieft deene ville Restaurants, Baren an Discoe vun der noer Natur a vun deene bis iwwert d'Grenzen eraus bekannten traditionell bayresche Béiergärt. Parken, Bëscher, Séien an d'Alpen si virun der Dier a surger fir een optimaalt Gläichgewicht zwëschen Grousstad an Natur. München mécht d'Studienzäit zu engem eenzegaartegen Erlefnis an huet scho méi wéi ee Lëtzebuerger nom Studium net méi goe gelooss.

## Wat muss ee gesinn hunn?

Wann een u München denkt, dann denkt een natierlech un d'Oktouberfest, d'Hofbräuhaus an un den FC Bayern München. Allerdéngs ginn et nach eng Retsch aner Saachen, déi des Stad sou attraktiv fir d'Studente mécht.

Den Englesche Gaart, ee vun deene gréisste Parke vun der Welt, ass eng perfekt Plaz fir sech vum heiansdo stressegem Unisliwwen ze erhuelen. Direkt nieft dem Hauptgebai vun der LMU geleeën, kann een sech hei am Eisbach dreuwe loos-sen, oder d'Surfer bestaunen, déi sech hei zu all Joreszäit an d'Welle woen.

Bekannt fir säi südlännesche Flair ass de Gärtnerplatz, de Mëttelpunkt vum sougenannte Szenevirel Glockenbach. Hei kann een am beschten novollzéien, firwat München „die nördlichste Stadt Italiens“ genannt gëtt. Hei treffen sech jonk Leit fir zesummen ze feieren, ze sangen an natierlech och een ze drénken. Et kënn net seele vir, dass een Donneschdes hei deen een oder aneren LSM'ler trëfft, deen nom Stammdësch nach net midd genuch fir säi Bett war.

Op der Münchner Freiheit, der Hauptplaz vum Staddeel Schwabing, gëtt et engem owes sécher net langweilig. Ob Restaurants, Baren oder Discoen, hei ass fir jiddereen eppes dobäi. Legendär ass d'Schwabinger 7, a Lëtzebuerger Krees-ser och „Schwabsi“ genannt. Och wann se weinst enger net

explodierter Bomm aus dem 2. Weltkrich huet misste virun e puer Joer an d'Nopeschhaus plënnere, sou huet se relativ wéineg vun hirem ale Charme verluer. Ëmmer eng gutt Alternativ, wann ee soss net weess wou een owes spët nach soll higoen.

Vill grouss Manifestatiounen, vu Coldplay bis hin zu den XGames, fannen am Olympiapark statt. Awer och soss ass et ni verkéiert, bei guddem Wieder e puer Stonnen hei ze





# Développez vos talents !

best est un groupe pluridisciplinaire d'expertise et de conseil dans le monde de la construction qui occupe près de 180 collaborateurs, dont plus de 125 ingénieurs et techniciens. Pour renforcer notre équipe, nous recrutons régulièrement des ingénieurs, urbanistes, licenciés en sciences environnementales, géomètres et dessinateurs.



plus de projets  
sur best.lu

Faites comme Johny, Anna, Mike ou Jenni : Envoyez votre candidature !



**best**  
INGENIEURS-CONSEILS

**best**  
MANAGEMENT

**INFRA**  
TEC

**best**  
GO

**best**-TOPO  
BUREAU DE GEOMETRES

**V-KON**  
Ingenieur

best ingénieurs-conseils — 2, rue des Sapins — L-2513 Senningerberg  
tél.: +352 34 90 90 — jobs@best.lu — best.lu



verbréngen. Besonnesch déi exzellent Vue iwwer München vum Olympiaberg sollt een sech net entgoe loossen. Falls et engem dach langweileg gëtt, da kann een sech an der BMW-Welt direkt donieft déi neiste Modeller ukucke goen.


Iwwert d'Grenze raus bekannt ass München natierlech fir seng sëllege Béiergäert. Mat typesch bayrescher Musek an engem gudde „Münchner Helles“ verbréngen d'Münchner gären hir Nomëtteger hei. D'lesse kann een hei iwwregens vun doheem matbréngen. Am bekanntsten ass hei sécher de „Chinesischer Turm“, dee bei de Münchner allerdéngs éischter als Touristenattraktioun verpönt ass. Scho méi beléift sinn zum Beispill d'Seehaus oder de Béiergaart am Hirschgarten.

E Kajo Béier an e Grill, vill méi brauch een net, fir am Summer e gemittlechen Owend um Ufer vun der Isar ze verbréngen. Virdeel par Rapport zu deenen anere Plazen: Hei brauch ee keng Killtäsch, vu dass d'Isar an de Bierger entspréngt an sou als ideale Frigo duerhält. Déi beléiftste Plaz ass d'Insel „Flaucher“, wou een och mol gare bis an d'Nuecht eran hänke bleift. Hei fënnt och all Joer d'Grillfest vum LSM statt.

Ween sech un engem fréie Summerdag aus München raus wëll woen, deem soll geroode sinn, sech op een vun deenen no geleeëne Séien Ammersee oder Starnberger See ofkillen ze goen. Hei kënnt ee souguer mat der S-Bahn hin. Wat een

op sou engem Séi ka maachen, brauche mer dir jo wuel net z'erzielen.

Wiem elo en Trip op de Séi ze roueg ass, an op der Sich no enger Party ass, dee wäert zu München och sécher eppes fan-nen. Sief et elo den Neuraum deen direkt mat 5 Raim an d'Ren-ne geet, de Pacha, d'089-Bar oder déi legendär Milchbar. Ganz vill aner Clibb suergen dofir, datt fir jiddereen eppes dobäi ass, ob een elo am Willenlos säi Portemonnie schounen oder seng Shots gären aus Reagenzglieder am Labor drénke wëll.



## München ↔ Lëtzebuerg

### Distanz

Déi meeschte Lëtzebuerger fuere mam Auto op München, well et eng vun deene bëllegsten Alternativen ass. Iwwert d'Autobunn sinn et ongeféier 560 Kilometer, woufir een am Duerchschnitt 5-6 Stonne brauch.

Falls du eng Matfuergeléeënheet brauchst, da besich eis Facebook-Grupp „LSM-Mitfahrgelegenheit“, do fënnt een em-

mer deen een oder aneren dee sech op de Wee fir op München respektiv Lëtzebuerg mécht.

Mam Zuch kënnt een och ganz bequem op München. Hei muss ee fir d'éischt mam Bus vu Lëtzebuerg op Saarbrécken fieren, wat ongeféier 1 Stonn dauert. Duerno geet et da mam Zuch iwwer Mannheim an ongeféier 4 ½ Stonn weider a Richtung München. Eemol den Dag gëtt et och eng direkt





Verbindung. De Präis schwankt hei staark an ass ofhängeg dovunner wéi laang een am Virus bucht. Wann ee fréi un ass, kann ee schonn Angeboter ab 29 € fannen.

Ausserdeem kann ee vun Tréier aus och mat der Busgesellschaft "FlixBus.de" op München fueren. Dat ganzt scho fir de Präis vun 22 €, allerdéngs ass een hei och gutt 8 Stonnen ënnerwee.

Mam Fliger brauch een eng knapp Stonn, allerdéngs muss ee mat arechnen, dass de Franz-Josef-Strauss-Fluchhafen 50 Minutte vum Stadzentrum entfernt ass. Wann ee fréi un ass,



## Wat gëllt et net ze verpassen?

Enn September ass München am Ausnahmezustand, et ass **Oktoberfest**. Hei dréint sech alles ëm Lederhosen, Dirndlen, Liewkuchhärer an natierlech ëm de Béier. Während gutt 2 Woche besiche méi wéi 6 Milliounen Leit dat gréisste Volleksfest vun der Welt. Well sech dëst op der Theresienwiese ofspillt, gëtt et bei de Münchner éischter „Wiesn“ genannt. 7,3 Milliounen Liter Béier goufen 2019 verkaaft. Den LSM organiséiert all Joers eng Intercircle um Oktoberfest, bei där Studenten aus anere Cercles d'Méiglechkeet kréien de Münchner Béier ze schmaachen.

Zwee mol am Joer gëtt zu München den **Tollwood-Festival** organiséiert. De Wanter-Tollwood ass ëmmer während der Adventszeit op der Theresienwiese, während de Summer Tollwood am Juni/Juli am Olympiapark ass. Dëse Festival ass haaptsächlech doduerch bekannt datt en ënnert dem Motto vun der Ëmweltfrëndlechkeet an Nohaltegkeet steet. Hei kann een e bësse méi „alternativ“ Produiten entdecken, souwuel kulinarisch ewéi och op kleng Stänn, wou ee vum Regenmacher bis zum Räucherstäbchen alles kafe kann. Bei där Geleeënheet organiséiert den LSM dann och all Joer sou-

kritt een en Allez-Retour bei der Luxair oder der Lufthansa vun 99 € un.

### Ëffentlechen Transport

München huet e gutt ausgebaut ëffentlech Transportnetz. Mat U-Bahn, S-Bahn, Tram a Bus, kënnst ee séier op dat gewünschten Ziel. Déi zoustänneg Gesellschaft ass d'MVG, méi Informatiounen heizou ënnert dem Punkt „Getting Started“. Alternativ kann ee sech als Student fir 0,08€/min. bei der MVG e Vëlo léien. Mat der App MVGmore kann een sech e Vëlo aussichen an am Zentrum brauch een en net mol an enger Statioun ofzeginn. Fir Leit déi vill mam Vëlo ënnerwee wëlle sinn, lount et sech natierlech, en eegene matzebréngen.

### Präisser

München ass eng vun deenen deierste Stied an Däitschland, wat virun allem op d'Wunnungspräisser zoutreëft. Aner Liebenskäschte sinn am Verglach zu Lëtzebuerg awer manner héich. Ee genaue Verglach ze zéien ass zimmlech schwéier, dowéinst probéiere mir dëst och guer net. Eng wichteg Informatioun fir den zukünftege Student zu München ass awer de Béierpräis, hei kann een sech an deene meeschte Cafés fir 3,50€ op en hallwe Liter freeën. Am Béiergaart kéint et e bësse méi kaschten.



wuel am Summer wéi och am Wanter ee Stammdësch um Tollwood-Festival.

Mëtt Abrëll ass op der Theresienwiese während zwou Wochen **d'Frühlingsfest**, och bekannt als déi „kleng Wiesn“. Hei gëtt et usech alles wat et och um richtigen Oktoberfest gëtt, just



## Zum Schluss nach e puer Insidertipps

Den **Augustiner** ass warscheinlech dee beléiftste Béier ënnert de Münchner Studenten an och generell bei der lokaler Bevëlkerung. Dëse gëtt, genee wéi vill aner Marken, och an de sëllege Béiergärt zu a ronderëm München gezaapt a genoss. Generell kënnst ee souwisou schwéier laanscht de gudde Münchner Béier, wann een an dëser schéiner Stad studéiere wëll.

Matten am Häerze vum Glockenbachviéierel gëtt et een Imbiss, an deem wuel déi meescht Münchner Studenten fréier oder spéider eng Currywurst iesse fir sech entweder op eng laang Nuecht virzebereeden oder se ofzeschléissen. Et kann ee wuel behaapten datt de **Bergwolf** schonn eng Aart Institutioun a Saachen Imbiss-essen ass.

Net nëmme bei TU-Studenten beléift ass de **Café Vorhoelzer Forum** um Daach vum TU-Hauptgebai an der Arcisstraße. Op dëser Terrass kann een a senger Mëttespaus d'Vue iwwert ganz München genéissen a bei guddem Wieder huet een och en herrleche Panorama mat de Bierger am Hannergrond.

An engem Hörsaal um TU-Stammgelände kann ee sech all Dëschdes Oues am **TU-Kino** al an nei Filmer fir weëneg Geld a bei gudder Atmosphär ukucken.

A fir all déi sportbegeeschtert ënnert iech huet München och méi wéi genuch ze bidden. Nieft dem Münchner Fussballtempel, der Allianz Arena, gëtt och nach a villen anere Sportarten Ënnerhaltung op héchstem Niveau gebueden. Hei kann een zum Beispill nach den Äishockey an de Basket ervirhiewen, déi momentan och zimmlech virbäi matspillen.

D'Äishockey-Equipe vum **EHC Red Bull München** spillt säit der Saison 2010/11 an der DEL, der héchster däitscher Liga,


eben an enger anerer, et kann ee wuel duerchaus soe méi heemlecher Dimensioun. Dëst Volleksfest ass generell méi gemittlech a méi entspaant wéi säi grouss Brudder, a genee dowéinst ass den LSM och hei ëmmer op engem Stammdësch present.

Während der Chrëschtzäit gëtt et zu München gefillt op all Eck ee **Christkindlmarkt**. Dee bekanntsten, awer deementsprechend och touristeschten, ass um Marienplatz an zitt sech usech quesech duerch déi ganz Foussgängerzon bis op de Stachus, wou och eng léif Schlittschongpist opgeriicht gëtt. Ee vun dëse Chrëschtmaert sollt een op alle Fall besichen an dovunner profitéieren, fir mat Frënn a Kollegeen eng Taass Glühwain ze drénken.



an ass 2015/16 souguer däitsche Meeschter ginn. Als Student kann ee schonn ab 13 € déi spektakulär Matcher an den Olympia-Äisstadion, deen an der Géigend vum Olympiatuerm läit, kucke goen. Meeschtens ginn et souguer nach Ticketen an der Oueskeess, falls een eng Kéier spontan ee Match wëll kucke goen.

Mam **FC Bayern Basketball** spillt nach eng Equipe aus München an der éischter Liga mat. Hir Heemmatcher spillen se am nei renovéierten Audi Dome um Heimeranplatz. Mat e bësse Chance begéint een hei och mol gären deen een oder anere bekannte Fussballspiller vu Bayern München. Als Student kritt een hei schonn Tickete fir den Präis vu 7 € (Stéiplatz). Fir eng Sätzplaz muss ee mat engem Präis vu bis zu 30€ rechnen.





# Offre étudiants, profitez d'avantages sans frontière



- Cartes et **comptes gratuits**
- **Retraits gratuits** aux distributeurs du Groupe BNP Paribas et de ses partenaires
- **Garantie locative**
- **Avance jusqu'à 5.000 EUR** pour votre installation

Plus d'infos sur  
[bgl.lu/fr/compte-etudiant](http://bgl.lu/fr/compte-etudiant)



La banque  
d'un monde  
qui change

## Getting started

### Hei eng kleng Hëllef fir de Start an de Studium zu München

#### Logement

Et ass an deene leschte Joren net méi einfach ginn, fir zu München eng Wunneng ze fannen. Am beschten ass et, et hält een sech direkt e puer Deeg Zäit fir op München ze fueren an direkt op der Plaz no Wunnengen ze sichen. Dat huet de Virdeel, dass ee Besichtigungstermin fir den Dag selwer oder den Dag drop och kann unhuelen, wouduerch d'Chancen op eng Zouso natierlech klammen. Ausserdeem ass et vu Virdeel, wann een op eng Annonce telefonesch äntwert, well een op eng E-mail oft keng Réckmeldung kritt. Zousätzlech sollt een, falls méiglech, zesumme mat den Elteren op déi jee-weileg Besichtigunge goen (ausser et handelt sech em eng WG). Dat erhéicht nach emol d'Chancen, well et e besseren Androck mécht, a well déi bayresch Vermieter oft eng sougenannte "Bürgschaft" vun den Eltere verlaange fir sech ofzesécheren, falls du als Student de Loyer net méi kéints bezuelen.

Hei sinn elo puer Ideeën wou ee kucke ka fir eng Wunneng ze fannen:

#### Wichtig Internetsäiten:

[[www.immobilienscout24.de](http://www.immobilienscout24.de)]  
[[www.wg-gesucht.de](http://www.wg-gesucht.de)]  
[[www.die-wg-boerse.de](http://www.die-wg-boerse.de)]  
[[www.mitwohnzentrale.de](http://www.mitwohnzentrale.de)]  
[[www.mwz-munich.de](http://www.mwz-munich.de)]

#### Süddeutsche Zeitung (SZ):

Freides ass ee groussen Immobiliendeel an der SZ. Wann een eng Chance wëll hunn, muss een d'SZ schonn Donneschdes owes kafen (géint 18.30 Auer an der U-Bahn-Station um Marienplatz).

Et kann een och direkt bei hinnen op der Internetsäit kucken:

[[www.immobiliemarkt.sueddeutsche.de](http://www.immobiliemarkt.sueddeutsche.de)]

#### Studentenwerk München:

Adress:

Leopoldstr. 15  
D-80802 München (U3/ U6 Giselastr.)

Internetsait:

[[www.studentenwerk-muenchen.de/wohnen](http://www.studentenwerk-muenchen.de/wohnen)]

D'Studentenwerk vermëttelt Zëmmeren a Studentenheemer wei z.B. déi an der Studentenstadt. Hei muss een allerdéngs oft e puer Semester waarde bis eppes fräi gëtt. Et kann een Einzelwunnengen oder WG-Kummere kréien, déi vun der Gréisst hir zwar meeschtens zimmlech iwwersiichtlech, mat engem Präis vun ongeféier 300€/Mount waarm um Münchner Wunnengsmaart awer immens gönschteg sinn.

**TIPP:** Mell dech bis Mëtt Juli bei der Zimmerverlosung vum Studentenwerk un, fir och als Erstsemester eng Chance ze hunn, direkt an e Studentenheem ze kommen.

D'Privatzimmervermittlung vum Studentenwerk vermëttelt och gönschteg Wunnengen a Kummere vu Privatleit. Des Offertë kann een op hirem Site awer just gesinn, wann een seng Immatrikulationsbescheinigung areecht.

#### Schwarz Brieder:

Déi befannen sech an de Kantinnen/Mensaen.

Entweder d'Mensa vun der LMU an der Leopoldstr. 15 oder Mensa vun der TU an der Arcisstr. 17.





# Best work. Best teams. At your best.



D'Lëtzebuenger Studenten bezuele meeschtens tëscht 500 an 850 Euro de Mount. De Präis hänkt natierlech vun der Lag zu München of an ob een eleng oder an enger WG wunnt.

Zum Schluss bleift nëmmen nach ze soen: net direkt bei der éischter Wunnengsofso verzweiwle mee haartnäckeg bliwen, da klappt dat schonn. Vill Gléck!

## Einwohnermeldeamt (Openthaltsgeneemegung)

Jiddere muss säi Wunnsëtz beim Kreisverwaltungsreferat (KVR) umellen, soubal en zu München wunnt. Dofir huet en zwou Wochen Zäit. Et lount sech ausserdeem fréi do ze sinn, soss ass et gudd méiglech, dass ee laang waarde muss.

Dokumenter déi ee mathuele soll:

- Carte d'Identitéit oder Pass
- Mietvertrag

### Adress:

Kreisverwaltungsreferat  
Ruppertstraße 19  
D-80337 München  
(U3/U6: Poccistraße)

Tel: +49 (0) 89 / 233-960-00

Email: [buergerbuero.kvr@muenchen.de](mailto:buergerbuero.kvr@muenchen.de)

### Öffnungszeiten:

Méindes: 7.30-12.00 Auer  
Dënschdes: 8.30-12.00 an 14.00-18.00 Auer  
Mëttwochs: 7.30-12.00 Auer  
Donneschdes: 8.30-15.00 Auer  
Freides: 7.30-12.00 Auer

## Banke

Wann ee beim Einwohnermeldeamt war, kann een och e Kont bei enger Bank opmaachen. Eng gönschteg Méiglechkeet ass z.B. d'Postbank oder Stadtparkasse zu München, well een do keng sou héich zousätzlech Käschte bei der Iwwerweisung vu Lëtzebuerg op München huet.

Donieft ass d'Postbank Member vun der „Cash Group“, sou dass ee bei ville Banke keng Käschte beim Ophiewe muss bezuelen. Zu der „Cash Group“ gehéieren d'Commerzbank, d'Deutsche Bank, d'HypoVereinsbank an d'Postbank.

D'Unzuel u Cashgroup-Bankomaten ass allerdéngs genausou héich wei d'Unzuel u Bankomater vun der Stadtparkasse, déi och e Bancomat zu Garching um TU-Campus huet.

## Krankeversécherung

Duerch d'Sozialversécherungsofkommes tëscht Däitschland a Lëtzebuerg, muss ee keng Versécherung zu München maache wann een an der CNS (Caisse nationale de santé – d'Gesondheitskeess) ass. Allerdéngs brauch ee fir d'Immatrikulatioun op der Uni eng Bestätegung, dass ee vun der gesetzlecher Krankeversécherung befreit ass. Sou eng Bestätegung kritt een op all gesetzlecher däitscher Krankekeess.

Fir déi Bestätegung ze kréien brauch ee just eng Krankekeesskaart (Carte de la sécurité sociale), déi gültig a ganz Europa ass.



De Formular E128 muss een net méi ufroen, d'Krankekeesskaart geet méttlerweil duer!

Eng Krankekeess wou een zum Beispill kann higoen ass d'AOK.

### Adress:

AOK  
Landsberger Str. 150-152  
D-80339 München  
Tel.: (089) 54 44-0

## Internet/Fernseh/Telefon

All Student brauch natierlech Internet an dofir ginn et och genuch Méiglechkeeten. Et gëtt a präislecher Hisiicht eng grouss Auswiel.

Déi eng hu just Internet, anerer hunn Internet a Fernseh, oder souguer Internet, Fernseh an Haustelefon. Do muss dann natierlech jidderee fir sech kucke wat e wëll. An der Reegel muss een do och en Vertrag vun 2 Joer ofschléissen. Nëmmen Internet kann ee scho fir 10 bis 15€ de Mount kréien.

Am Beschten ass et, et vergläicht ee Präisser am Internet, zum Beispill bei:

[[www.toptarif.de](http://www.toptarif.de)]  
[[www.check24.de](http://www.check24.de)]  
[[www.verivox.de/multi-product/](http://www.verivox.de/multi-product/)]

## Elektresch

Fir dass een dann an senger neier Wunneng net am Däischtere sëtzt, brauch een natierlech och Elektresch. Hei huet een alt erëm eng riseg Auswiel u Stroumubidder zur Verfügung.

Eng Méiglechkeet wier zum Beispill den „M-Strom“ vun de Stadtwerke München:

[[www.swm.de](http://www.swm.de)]

Eng aner Méiglechkeet wier „Yello Strom“ oder „e-on“, wou ee souwuel Stroum wei och Gas kritt:

[[www.yellostrom.de](http://www.yellostrom.de)]  
[[www.eon.de](http://www.eon.de)]

Donieft ginn et awer natierlech nach vill aner Ubidder. Am beschte vergläicht een déi verschidde Präisser am Internet, wei z.B. op de Säiten:

[[www.check24.de](http://www.check24.de)]  
[[www.toptarif.de](http://www.toptarif.de)]

oder op deenen eenzele Säite vun deene verschiddenen Ubidder.





## Münchner Verkehrs Verbund (MVV/MVG)

Och beim ëffentlechen Transport kann ee vun de Stonnentariffer profitéieren. Sait dem Wantersemester 2013/14 gëtt et e Semesterticket. Deen ass opgedeelt a Solidaritéitsbäitrag a Semesterticket.

De Solidaritéitsbäitrag muss jidderee bezuelen a kascht 67,40 €. Dee Betrag muss ee bei der Aschreiwung matbezuelen (een Deel vun deenen 142,40 € Studiegebühren). Mat deem Solidaritéitsbäitrag kann ee Méindes bis Freides vun 18h bis deen aneren Dag Moies 6h fueren. Weekends a feierdaags kann een heimat souguer de ganzen Dag am Gesamtnetz vun der MVV ronderëm fueren.

De Semesterticket "IsarCard Semester" kascht momentan 195,70 € an ass net obligatoresch. Do kann een also selwer entscheiden, ob een en dobäi huele wëll oder net. Falls een z.B. just mam Vëlo op d'Uni fiert an doduerch den ëffentlechen Transport guer net brauch, huet een d'Méiglechkeet déi 195,70 € ze spueren. Mat deem Ticket kann een da 6 Méint, och an de Vakanzen, d'Gesamtnetz vun der MVV notzen.

### Wéi kritt een de Semesterticket?

Wann een sech immatrikuléiert, huet een automatesch de Solidaritéitsbäitrag bezuelt. Op de Studentenausweis kënt dann ee klenkt MVV Logo drop, et kritt een also keng zousätzlech Kaart.

De Semesterticket, dee "IsarCard Semester" heescht, kann een un den Automate vun der MVG, Deutsche Bahn (DB) a Bayrische Oberland Bahn (BOB) oder an de Verkaafszentren (z.B. um Marienplatz) kafen.

Am Wantersemester kritt een en ab dem 1. September ze kafen an e gëllt da vum 1. Oktober bis den 31. Mäerz. Am Summersemester kritt een en ab dem 1. Mäerz an e gëllt da vum 1. Abrëll bis den 30. September.

Weider Informatiounen:

[[www.semesterticket-muenchen.de](http://www.semesterticket-muenchen.de)]

oder bei der MVV/MVG:

MVG-Kundencenter  
Poccistraße 1  
D-80336 München  
Mé – Fr: 8.00- 18.00 Auer  
(U3/U6: Poccistraße)

oder:

Hauptbahnhof, Schalter 65 – 68  
Bahnhofsplatz 2,  
80335 München  
Mé – Fr: 9.00- 18.00 Auer



## Rundfunkbeitrag ("GEZ")

Sait dem 1. Januar 2013 gëtt et d'GEZ (Gebühreneinzugszentrale) net méi, dat heescht elo Rundfunkbeitrag.

Dobäi handelt et sech ëm e Bäitrag fir déi ëffentlech rechtlech Sender (wéi ARD oder ZDF) deen ee bezuele muss. All „Haushalt“ muss (onofhängeg dovunner, wéi vill Leit an enger Wunneng liewen) pro Mount 18,36€ bezuelen. Leider stellt dat fir verschiddener, virun allem déi, déi net an enger WG oder Studentenheem wunnen, eng weider finanziell Belaaschtung duer.

No villen Efforte vun der ACEL kann een sech awer ënner Konditiounen elo och als Lëtzebuerger Student vum Rundfunkbeitrag befreie loossen. Beim Cedies kann een sech dofir e Formulaire ufroen, allerdéngs nëmme wann een och d'Bourse sociale kritt. Fir dee genauen Ofaf, kuckt um Site vun der ACEL:

[<https://acel.lu/2017/02/09/how-to-befreiung-vum-rundfunkbeitrag/>]

Adress:

ARD ZDF Deutschlandradio Beitragsservice  
Freimersdorfer Weg 6  
50829 Köln

Hei nach en interessanten Artikel zum Thema, inklusiv Musterbréiwer, fir d'Suen spéider erëm anzefuerderen:

[[www.akademie.de/wissen/gez-rundfunkbeitrag-vorbehalt-anzeige](http://www.akademie.de/wissen/gez-rundfunkbeitrag-vorbehalt-anzeige)]

Fir weider Informatiounen besich déi offiziell Sait vum „Rundfunkbeitrag“:

[[www.rundfunkbeitrag.de](http://www.rundfunkbeitrag.de)]

## LSM-Mailingslëscht

Last but not least: eis Mailingslëscht. Fir ëmmer um neiste Stand ze sinn, wat den LSM an seng Aktivitéite betrëfft, kanns de dech an eis Mailingslëscht selwer androen. Dofir musst de dech just kuerz bei [[www.lsm.lu/lsm/newsletter/](http://www.lsm.lu/lsm/newsletter/)] androen an schonns gëss de ëmmer gewuer wann eng nei Aktivitéit virun der Dier steet.





*L.S.C. Engineering Group est composé de plusieurs sociétés d'ingénieurs-conseils qui associent quotidiennement leur savoir-faire afin de pouvoir répondre aux exigences du marché en matière de génie civil.*

- Direction des travaux / Sécurité et santé sur chantier
- Études des infrastructures / trafic et mobilité
- Système d'Information Géographique (SIG)
- Urbanisme et aménagement du territoire
- Études environnementales et forestières
- Topographie & solutions par drones
- Hydrologie et gestion des eaux
- Énergie et économie circulaire
- Environnement technique
- Project management
- Études des structures
- Techniques spéciales
- Mesurage officiel
- Études des sols

En constante évolution, notre groupe recherche de nouveaux collaborateurs pour développer son savoir-faire.

Si l'un de ces secteurs correspond à vos critères de compétences, n'hésitez pas à nous adresser une candidature spontanée sur notre site web : [www.lsc-group.lu/jobs](http://www.lsc-group.lu/jobs).

## Unien zu München

### Ludwig-Maximilians-Universität (LMU)

D'Ludwig-Maximilians-Universität München, 1472 zu Ingolstadt gegrënnt, ass vun der Studentenzuel hir eng vun deene gréissten däitschen Universitäten.

Op insgesamt 18 Fakultéiten verdeelt, forsch an ënnerriichte ronn 700 Professeren an Professorinnen souwéi ongeféier 3.000 wëssenschaftlech Mataarbechter. Am Wintersemester 2015/16 waren op der LMU ronn 50.000 Studenten immatrikuléiert, vun deene bal 8.000 aus dem Ausland kommen.

D'Belëiftheet vun der LMU - net zulescht och ëmmer méi bei Lëtzebuerger Studenten - erkläert sech zu engem groussen Deel duerch dat villfältegt Fächerangebot, dat een an deem Mooss nëmmen op ganz wéinegen aneren däitschen Universitäten fënnt. Aus engem Angebot vun 150 Studiéméiglechkeeten a sëllege Kombinatiounsméiglechkeeten kann ee sech de perfekte Studium eraussichen.

Déi ronn 150 Studiéméiglechkeeten decken ee breede Spektrum of, vu Kultur- a Rechtswëssenschaften iwwert Wirtschafts- a Sozialwëssenschaften bis hin zur Medizin an den Naturwëssenschaften. Just d'Ingenieurswëssenschaften sicht een hei ëmsoss.

Ludwig-Maximilians-Universität München  
Geschwister-Scholl-Platz 1  
D-80539 München  
Tel: 0049 / 89 2180-9000 (Studien-Informationen-Service)  
[[www.lmu.de](http://www.lmu.de)]



### Technische Universität München (TUM)

D'Technesch Universität München gouf 1868 als Polytechnesch Héichschoul vum bayresche Kinnek Ludwig II. gegrënnt. Eréischt 1970 krut si hiren aktuellen Numm.

D'TU München bitt 165 Studiegäng un, an ass a 14 Fakultéiten opgedeelt, mat ca. 40.000 Studenten, iwwer 540 Professeren a knapp 10.000 Mataarbechter.

Déi 14 Fakultéite sinn op 6 Campusse verdeelt a leie verstreut duerch ganz München an Ëmgéigend.

Den Hauptcampus läit am Stadzentrum an der Arcisstraße, wou sech d'Architekturfakultéit, d'Fakultéit fir Wirtschaftswëssenschaften, d'Ingenieurshochschule (BauGeoUmwelt) an d'Fakultéit fir Elektro- an Informationstechnik befannen.

Ronn 30km wäit ewech vu München, zu Weihenstephan bei Freising, ass ee Wëssenschaftszentrum fir Ernährung, Landnotzung an Ëmwelt ënnerbruecht. 6 verschide Studiefakultéite befanne sech an deem Wëssenschaftszentrum: Agrar- an Gaardebauwëssenschaften, Biowëssenschaften, Brau- an Liewensmitteltechnologie, Ernährungswissenschaft, Forstwissenschaft an Ressourcenmanagement souwéi Landschaftsarchitektur a Landschaftsplanung.

Ausserdeem schafft déi eelste Brauerei vun der Welt „d'Bayrische Staatsbrauerei Weihenstephan“ an enker Zesummenaarbecht mat der TUM.





Zu Garching sidelen sech ronderëm déi zwee Fuerschungsre-  
akteren vun der TUM d’Fakultéite fir Physik, Chimie, Mathe-  
matik, Informatik a fir Geowëssenschaften un. Zousätzlech  
besetzt d’Fakultéit fir Maschinewiesen zënter 1997 eent vun  
deene modernste Fuerschungsinstituter an Europa.

Opgrond vu Bauaarbechten am Olympiapark, ginn déi theo-  
retesch Coursen vun der Fakultéit fir Sport- an Gesondheits-  
wëssenschaften an der Lothstraße ofgehal. Déi praktesch  
Coursen fannen allerdéngs nach ëmmer an deem groussen  
Sportkomplex am Olympiapark statt.

D’Fakultéit fir Lehrerbildung an Bildungs-fuerschung ass an  
der Marsstraße ënnerbruecht.

Beim Studiengang Medezin ass et schonn e bëssen méi kompli-  
zéiert. Déi éischt 4 Semesteren bis zum sougenannten „Physi-  
kum“ ass een duebel immatrikuléiert. Et ass een also op der  
LMU souwéi och op der TUM ageschriwwen. Duerno muss ee  
sech fir eng vun deenen zwou Unien entscheeden. Jee nodeem  
fir wéi eng Uni ee sech entscheed, ass een duerno an der Gé-  
gend vum Klinikum rechts der Isar (TUM) oder deelweis an der  
Innenstadt an deelweis am Klinikum Großhadern (LMU).

Technische Universität München (TUM)  
Arcisstraße 21  
D-80333 München  
Tel: 0049 / 89 289 01  
Tel: 0049 / 89 289 22245 (SSZ Service Desk)  
[www.tum.de]

### Hochschule München

D’Héichschoul zu München ass déi gréissten Héichschoul  
fir ugewannte Wëssenschaften a ganz Bayern an déi zweit-  
gréissten an Däitschland.

14 Fakultéiten aus de Beräicher Technik, Wirtschaft, Soziales  
an Design bidden eng Ausbildung an iwwer 70 verschiddene  
Studiengäng un.



Déi 14 Fakultéite verdeele sech op 3 verschidde Campussen.  
De Campus an der Lothstraße ass dee gréisst vun deenen 3  
an ass domat och den Haaptsätz vun der Héichschoul.

Am Münchner Westen zu Pasing befannen sech zwou weider  
grouss Fakultéiten: Betriebswirtschaft an ugewannte Sozial-  
wëssenschaft.

Deen drëtten Campus läit an der Karlstraße an der Géigend  
vum Karlsplatz (Stachus) am Zentrum vu München. D’Fakul-  
téiten fir Architektur, Bauingenieurswesen a Geo-informati-  
oun sinn hei ënnerbruecht.


500 Professeren an Professorinnen souwei 660 Mataarbech-  
ter betrieien déi ronn 17.500 Studenten.

Duerch dat am Studium integréiert Praxis-semester kënnen  
d’Studente scho fréi Firmekontakter opbauen, souwéi wäert-  
voll Berufserfahrung sammelen. Do ass et fir d’Studenten  
vun Virdeel, dass d’Héichschoul München mat ville lokale bis  
internationalen Entrepreneuren vernetzt ass.

Hochschule München  
Lothstraße 34  
D-80335 München  
Tel: 0049 / 89 12 65 – 0 (Telefonvermittlung)  
Tel: 0049 / 89 12 65 – 1121 (Studienberatung)  
[www.hm.edu]

### Privat Unien

- Hochschule Fresenius  
[www.hs-fresenius.de]
- Munich Business School (MBS)  
[www.munich-business-school.de]
- Campus M21  
[www.campusm21.de]
- Akademie der Bildenden Künste  
[www.adbk.de]
- Akademie Mode und Design (AMD)  
[www.amdnet.de]
- Hochschule für Film und Fernsehen München (HFF)  
[www.hff-muenchen.de]
- Hochschule für Musik und Theater  
[www.musikhochschule-muenchen.de]
- Hochschule für Philosophie München  
[www.hfph.de]
- International School of Management  
[www.ism.de]
- Mediadesign Hochschule für Design und Informatik  
[www.mediadesign.de]



## Zentraler Hochschulsport München

D’ZHS ass déi perfekte Méiglechkeet fir sech nient dem  
Studium e bëssen ze beweegen a fir bei deem deftege bayre-  
schen lessen e bëssen a Form ze bleiwen.

D’ZHS ass mat iwwer 90.000 Studenten an iwwer 15.000  
aktive Participante pro Semester déi gréissten Héichschoul-  
sportariichtung a ganz Däitschland.

Ausserdeem ass bei iwwer 600 Einzel-veranstaltungen pro  
Semester an iwwer 100 verschiddene Sportangebot fir jid-  
dereen eppes dobäi. Do kann ee vun Aerobic iwwer Fussball  
an Kanufueren bis hin zu Ënnerwaasserhockey alles maache  
wat d’Häerz begiert.

D’Sportanlagen um TU Campus am Olympiapark bidden als  
fréiert Olympia-gelände déi perfekte Viraussetzung fir déi  
sportlech motivéiert Studenten. Op där ronn 45 ha groussere  
Anlag befanne sech ënner anerem 11 Sportshalen, eng Fräi-



sportanlag mat 15 Fussballsterrainen, ronn 20 Beachvolley-  
balls-terrainen, engem Klotertuerm, enger Tennis-anlag mat  
22 Terrainen an enger Golf-übungsanlag.

Ausserdeem steet engem nach den Trainingsbaseng vun der  
Olympiaschwämm zur Verfügung, souwéi d’Waassersportplaz  
um Starnberger See (Segelen, Surfen), d’Olympia-Regatta-  
Anlag (Kanu, Rudder) zu Oberschleißheim, an natierlech  
d’bayresch Alpen fir den Bierg- an Wintersport – ee besonn-  
ege Standortvirdeel vu München.

Fir de Präis vun 7,50 € d’Semester, dierf ee sech dat net ent-  
goe loosson.

Fir weider Informatiounen souwéi fir dat komplett Sportange-  
bot besicht de Site:

[www.zhs-muenchen.de]





Op der sich no enger

**AARBECHT**

oder engem

**STAGE?**



**Job Portal**

...



## Wat ass den LSM?

D'Lëtzebuerger Studenten zu München, kuerz den LSM, sinn an Tëschenzäit gutt **160 Studenten**. Gegrënnt gouf den LSM virun enger gudder Zäit vun enger Handvoll Studenten, déi eng Plattform ubidden wollten, wou sech Studente kenneléieren an austausche kënnen.

Traditionell soll de Cercle also **Kontakter erméiglechen**, Informatiounen ubidden a fir een ongezwongent Matenee suerge fir déi ëmmer méi grouss Gruppe vu Studenten, déi op München kommen. Nieft dësen Ziler probéiert eise Cercle natierlech och méi wéi de Standard-Programm unzebidden.

Den LSM bitt am Laf vum Joer eng ganz Partie **Aktivitéiten an divers Reesen** (Welcome Day, Skiweekend, Chrëschtfeier, etc.) un. Donieft kënnst och de sportlechen Aspekt mat Fussball, Volleyball a Basket net ze kuerz.

2015 hu mir, mat grousssem Erfolleg, déi éischt **Oktoberfest-Intercercle**, lancéiert a wäerten dat och an deenen nächste Jore bäibehalen. Heibäi handelt et sech em en Event wou Studenten aus de verschiddenste Stied zesummekommen an do souwuel d'Staad an de Cercle wéi och nei Leit kenneléiere kennen.

Eis Käraktivitéit vum Joer ass allerdéngs de **Münchner Bal** op Ouschtersonndeg, deen ëmmer erëm e groussen Erfolleg ass an dee genuch Geld an d'Cercle-Kees spullt, fir dass mir de Memberen all dës Aktivitéiten ubidden kënnen.

Mat eise Partnerentreprisen organiséiere mir och reegelméisseg **Soirées de Rencontre**, wou een an ongezwongener Atmosphär d'Entreprise kenneléieren a Kontakter maache kann.

Et fënnt een eis och all Donneschde vun 21:00 un an eise **Stammcafé**, der Klenze17, am beléifte Glockenbachviertel.

## Den aktuelle Comité 2021-2022

De 29. August 2021 gouf den aktuelle Comité gewielt.

**President:** Gianni DI PAOLI  
Studiegang: Physik

**1. Vize-President & Team Events:** Noah MERSCH  
Studiegang: TUM-BWL

**2. Vize-Presidentin & Tresorière:** Manu FEYEREISEN  
Studiegang: Medezin

**Sekretär:** Max GANSER  
Studiegang: Geographie (Niefach BWL)

**Sportsminister:** Nicolas THOMÉ  
Studiegang: Physik

**Responsable Sponsoring:** Marguy POISSONNIER  
Studiegang: BWL

**Team Events:** Alain GALES  
Studiegang: Entwicklung, Produktion & Management im Maschinenbau



Comité 2021-2022

**Team Events:** Jim HIRTT  
Studiegang: Bildungsforschung & -management

**Webmaster:** Tom BINTENER  
Studiegang: Informatik (Niefach Statistik)

**Coopté Münchner Bal:** Noah LEE  
Studiegang: Epidemiologie & Bioinformatik





## LSM Aktivitäten

Hei dann eng e bësse méi genau Beschreibung vun deenen eenzelen Aktivitéiten.

Déi lescht Aktivitéit vum ale Comité ass d'**Assemblée Générale**. Si markéiert gläich-zäiteg den Ofschloss vum alen an den Ufank vum neie Joer. Hei gëtt fir d'éischt deen ale Comité offiziell opgeléist an duerno deen neie gewielt.

Déi éischt Aktivitéit vum neie Comité ass traditionell d'**Grillen um Flaucher**. Um Ufer vun der Isar gëtt bei guddem Wieder op Käschtchen vum LSM déi nei Legislaturperiod gestart.

Vu dass d'Assemblée ëmmer relativ spéit am Summersemester stattfënnt ass dëst, nieft dem ACEL's Bal, déi eenzeg Aktivitéit vum neie Comité an deem Semester. Um **ACEL Studentebal** ass den LSM natierlech och ëmmer mat engem Stand vertrueden, wou et zënter der Editioun vun 2017 den neie „Blue Seppl Shot“ ze kafe gëtt.

Um **Ersti-Pubcrawl** gëtt et en éischt Kennelérieure vun de neie Studenten an dem Comité. A kleng Gruppen entdeckt een hei de verschidde Baren a Cafée vu München, wou sécherlech och ëmmer den een oder anere Geheimtipp derbäi ass.

Mëtt Oktober geet dann dat neit Wantersemester un, an domat stinn och erëm eng Rei Aktivitéiten vum LSM um Programm, ugefaange mam **Welcome Day**. Kuerz nom Semesterufank geet et hei haaptsächlech drëm déi nei Studenten zu München z'ëmfänken an hinnen d'Stad an den LSM ze presentéieren. Mee och déi, déi scho méi laang dobäi si kommen hei op hir Käschtchen. No engem Rallye mat verschidene Statiounen an Aufgaben esou wéi Froebéi iwwert de ganze Mëtteg verdeelt, geet dann déi eigentlech Party un. No engem Iesse ginn nach divers Spiller gemaach, de Comité



stellt sech fir an déi nei Memberen dierfen sech presentéieren. Dëst fënnt allerdéngs zum gréissten Deel ënner harmlose Konditiounen statt an et wäert kee verschreckt ginn. Also zéckt net dorun Deel ze huelen an nei Leit kennenzuléieren.

Mëtt November organiséiert d'ACEL déi traditionell **Foire de l'Étudiant**. Den LSM ass dann och hei mat engem Stand vertrueden, informéiert 1e an 2e Schüler an hofft der puer dovun dono zu München begrüessen ze kënnen.

Ufank Dezember kënn de Kleeschen op der traditioneller **Chrëschtfeier** op Besuch. No engem Pättchen geet et dann an ee Restaurant. Wann den Honger da bis gestëllt ass, kënn de Kleesche mat senger Geselle laanscht, a wee weess, vläicht hunn d'Memberen sech jo geschéckt an et gëtt ee kleng Kaddo.

An der Chrëschtvakanz heescht et dann erëm: Feiertags-speck lass ginn. Eng gudd Méiglechkeet duerfir bidd den **Tournoi de Noël**, deen d'ACEL all Joer zesumme mat der LASEL organiséiert.

Am Fussball, Basket an am Volleyball konkurréieren déi verschidde Cercles, fir déi beschte Plaz ze beleeden. Natierlech huet och den LSM all Joer an all Sportart eng Ekippe um Start. Am Virdergrond steet hei allerdéngs de Spaass an d'Erëmgis vun de Kolleegen aus anere Stied. Trotzdeem gëtt ëmmer jidderee säi Bescht a vläicht spréngt um Enn souguer eng Coupe fir München dobäi eraus.

Am Joer 2012 goufen an deem Kontext och d'**LSM Ultras** an d'Liewe geruff, déi an deenen Deeg fir vill Stëmmung gesuergt hunn an als éischte Fanclub vun deem Tournoi an d'Geschicht wäerten agoen.





STAGE

INGENIEUREN

DIPLOMAARBECHT

IT

TECHNIKER

VAKANZENJOB

ZEECHNER

SUPPORT



1961 gegrënnt



31% Fraen



380 Mataarbechter  
(57% Ingenieuren, 31% Techniker +  
Zeechner, 12% Support+IT+Adm.)



13 Nationalitéiten



15 lëtzebuerger Associéen



38 Joer : Duerchschnittsalter

Ingenieuren aus de Beräicher Génie civil, Elektromechanik,  
Génie mécanique, Umwelt

Geographen, Biologen, Geologen, Hydrologen, Urbanisten,  
Geometeren/Topographen, Informatiker oder Bauphysiker

► A mir schléisse kee Beräich aus, deen innovativ ass !

WE'RE  
HIRING

Iwwert 100 Studenten all Joer!

E Stage ass vill méi wéi just eng Pai. Duerfir zéckt net eis ze kontaktéieren !

Mail eis däin CV mat Motivationsbrëif op [jobs@schroeder.lu](mailto:jobs@schroeder.lu)

Am neie Joer steet dann direkt den nächsten Highlight virun der Dir: De **Ski-Weekend zu Kitzbühel**. All Wanter organiséiert de Comité eng Rees op d'Sonnalm zu Kitzbühel, ee klengen Hotel dee sech direkt nieft der Pist befënnt. Déi perfekte Plaz fir Mëttes Ski resp. Snowboard fueren ze goen an Owes beim Après-Ski ongestéiert an der Schirmbar deen een oder anere Béierche genéissen ze kënnen.

Ier et no eiser Semestervakanz am Fréijoer erëm zeréck op München geet steet awer nach dee wuel wichtigsten Datum fir den LSM um Programm, an zwar de **Münchner Bal**. Dese fënnt traditionell op Ouschtersonndeg am Melusina statt. Mat guddem Augustiner Béier an traditioneller Tracht soll dese Bal e bësse bayresch Atmosphär op Lëtzebuerg bréngen. Vill engagéiert Membere vum LSM schaffen hei Hand an Hand fir anere Studenten an och net-Studenten en flotten Owend z'erméiglechen.

Den 1. Mee fënnt dann och all Joer de **Wanderdag** vum LSM statt, wou no engem gudden Weisswurstfrühstück d'Ausdauer vun eise Memberen en bëssen op d'Prouf gestallt gëtt.

D'Highlight vum Summersemester ass awer d'**LSM -Summerrees**. De Weekend vu Christi Himmelfahrt organiséiert de Comité all Joer eng Rees an eng europäesch Grousstad. Ob Budapest, Dublin oder Turin, den LSM huet an deene



leschte puer Joer scho vill flott verlängert Weekender ausserhalb vu München verbruecht. Wouhin et geet bleift awer bis puer Woche virdrun ee Geheimnis vum Comité.

Du krus elo e globalen Iwwerbléck iwwert d'Haaptaktivitéiten vum LSM. Dat ass awer natierlech nach laang net alles: Fussball Sonndes Mëttes am Luitpoldpark esou wéi weider sportlech Aktivitéiten, Stammdesch Donneschdes Owes, Karting fueren, Schnéiballschluechten etc.

Langweileg gëtt et engem am Wanter wéi och am Summer sécher net.

Méi Informatiounen iwwer eis Aktivitéite fënns de am Laf vum Semester op eiser LSM-Facebook Säit, esou wéi och ob eiser Homepage [[www.lsm.lu](http://www.lsm.lu)].

Fir déi meescht Aktivitéite kanns du dech ganz bequem op eiser Websäit umellen, nodeems du dir do en Account gemaach hues. Fir dass mer dech kontaktéiere kenne wann eng nei Aktivitéit virun der Dier steet, vergiess och net dech an d'Mailinglëscht ënner [<http://www.lsm.lu/lsm/newsletter/>] anzedroen.

Bei weidere Froen, zéck net a schéck eng Mail un [[comite@lsm.lu](mailto:comite@lsm.lu)].







McKinsey  
& Company



## Wichtig Adressen

### Hei nach emol all wichtig Adressen op ee Bléck

#### Honorarkonsulat vum Groussherzogtum Lëtzebuerg an Däitschland (Bayern)

Här Axel Gränitz  
Honorarkonsul  
c/o chicco di caffè, Campus „neue Balan“  
St.-Martin-Straße 106  
D-81669 München

Tel.: +49 89 812 60 60

E-Mail: [honorarkonsul.bayern@honorarkonsul-luxemburg.de](mailto:honorarkonsul.bayern@honorarkonsul-luxemburg.de)

Öffnungszeiten: Dë-Fr: 13.00 bis 15.00 Auer

#### Ludwig-Maximilians-Universität München (LMU)

Geschwister-Scholl-Platz 1  
D-80539 München

Tel: 0049 / 89 2180-9000 (Studien-Informationen-Service)

[[www.lmu.de](http://www.lmu.de)]

#### Technische Universität München (TUM)

Arcisstraße 21  
D-80333 München

Tel: 0049 / 89 289 01

Tel: 0049 / 89 289 22245 (SSZ Service Desk)

[[www.tum.de](http://www.tum.de)]

#### Hochschule München

Lothstraße 34  
D-80335 München

Tel: 0049 / 89 12 65 – 0 (Telefonvermittlung)

Tel: 0049 / 89 12 65 – 1121 (Studienberatung)

[[www.hm.edu](http://www.hm.edu)]



# Impressum

**Editeur**

Lëtzebuenger Studenten zu München  
2, avenue de l’Université  
L-4365 Esch-sur-Alzette

RCS Luxembourg: F2034

Site: [www.lsm.lu](http://www.lsm.lu)

E-Mail: [comite@lsm.lu](mailto:comite@lsm.lu)

**Redakteren**

Charel MULLER, Eliane KLEIN, Daniel BINSFELD,  
Michel BICHLER, Bob STREBER, Steve HOSCHEIT,  
Anne BACKES, Gianni DI PAOLI, Michel PILOT

**Layout a Cover**

Gianni DI PAOLI

**Edition**

- 1. Edition 2013-2014 (Update 2016-2020)
- 2. Edition 2020-2021

© 2021





